

HUGO AGUILAR HORTIZ, TEQUIHUE TEYACNAQUI

In Ministro Hugo Aguilar Ortiz in Tepantlahtoani ipan Yectlanahuatilli itech Universidad Autónoma “Benito Juárez” itech Oaxaca (OABJO). Omotepantlahtocatili ica itlatzintoquiliztequiuh: “Pluralismo jurídico: el sistema electoral indígena en la legislación oaxaqueña”. Noyuhqui, quipia, ce centlamachtilli ipan Derecho constitucional ipan in Calmecac in tlapac in motocayoti. Ipan 2001 xihuitl oquimactilihqueh in Toyolcan Tlayocolilli in Macehualtelpochyotl.

lohtiliz in motetonihtoc ipan ce itequiuh icuahnemiliz teyotic, quitechpantilihtoc ihuan quimanahuihtoc in macehualyectlanahuatilli, yectlanahuatilli macehualpan ihuan in icnomacehualtzitzin; noyuhqui motzonquixtihtoc itechpa in macehualyectlanahuatilli ixpan in Órganos Jurisdiccionales Federales. Itequiuh quitemohtoc ce yancuic tlamelahuatlachihualizmachiotl, in omotzintili ica yectlanahuatilli ihuan yectlatzintiliztli in quipalehuia macehualpan inemiliz, macehualpan iyollo iix, ihuan cuahnemiliztli ipan iyecnuhuatiliz in cihuatl ihuan itepanihtaliz ipan nochi tlen yoltoc.

Ipan 1989 xihuitl, oquipehualti itequiuh in tlapalehuia macehualpan quen in tepalehuiani ipan in Delegación de la Procuraduría para la Defensa del Indígena en Tlaxiaco, Oaxaca. Itzalan 1996 ihuan 2010 xihuitl omotequipano quen ce tlatitlantli tenonotzani ihuan tepan tlahtohuani itech 25 macehualchinanco in quiixnamiquiayah in milpan cualantli; ipan inontin xihuitl, oquinonochili oquinpalehui Oaxaca altepemeh in ipan incencahuiliz político-electorales del régimen de Sistemas Normativos Indígenas, noyuhqui ihuical tlaixnamiquiliztli in macehualyectlanahuatilli ihuan altepeyectlanahuatilli.

Ipan octubre itech 1996 opeuh teyecana ipan área Jurídica de Servicios del Pueblo Mixe (SERMIXE) omotequipano ipan reformas Constitucionales y legales; ipan noviembre no 1996 xihuitl, omotequipano ihuan cequin tequihuahqueh itech Ejército Zapatista de Liberación Nacional (EZLN) itechpa iihcuilol in iyancuiliz in

amatlanahuatilli ipan in yectlanahuatilli ihuan ipialliz iyuhcatiliz in macehualli. Ipan 2001 ihuan 2002 oquinxiptlati 27 altepeme in tlaixnamihqueh ica altepetlanahuatilli quiixnamihqueh ipan in SCJN iixnamiquiliz ica iyancuiliz in yectlanahuatilli ihuan ipialliz iyuccatiliz in macehualli; ipan 2006, oquin xiptlati 6 altepeme in quiixnamihqueh in ica altepetlanahuatilli quiixnamihqueh in inahuatil Radio ihuan Televisión, ipampa oquihhtlacohqueh inyecnahuatil in Macehualaltepeme.

Ipan itequihmacehualpan omotequipanohtoc ica instancias estatales, toyolcan ihuan huehca tlalpan. Omochiuh consultor en la Oficina del Alto Comisionado para los Derechos Humanos en México. Ipan 2011 quin 2015 omotequipano quen Subsecretario de Derechos Indígenas del gobierno del Estado de Oaxaca. Itzalan 2016 ihuan 2018 oquiyecanac in Dirección Ejecutiva de Sistemas Normativos Indígenas del Instituto Estatal Electoral y de Participación Ciudadana de Oaxaca. Ipan 2018, oquicuic in Coordinación de Derechos Indígenas del Instituto Nacional de Pueblos Indígenas, canin oquiyecanac in tlamantli tequitl ipan tlacuilolli ihuan ipan tlaixtoquiliztli itech tlatlalilli in yancuiliz altepenahuatilli ipan imacehualiztlanahuatil in macehualaltepeme ihuan afromexicaaltepeme.

Omotlahtolhtihtoc ipan tlamantli Calmecac itech toyolcan, noyuhqui ipan Tribunales de Justicia de las Entidades Federativas y de la Federación. Motlahtoltequipanolhtihtoc ipan milpan yectlanahuatilli, in macehualyectlanahuatilli altepeyectlanahuatilli ihuan tlamantli tlayecchihualiztli. Iamoxhuan in moixpantihtoqueh in tzonquiza: “El reconocimiento legal y vigencia de los Sistemas Normativos Indígenas en México” (2008) ihuan “La comunalidad: un referente indígena para la conciliación política en conflictos electorales municipales en Oaxaca”, in mocalaquihtoc ipan in amoxhti “Gobernar (en) la diversidad: experiencias indígenas desde América Latina. Hacia la investigación de co-labor” (2008).